

I dashur prind/kujdestar:

Në shkollat tona janë evidentuar raste të shfaqjes të parazitëve (morra) në flokët e fëmijëve. Nga të gjitha sëmundjet ngjitëse që shfaqen në fëmijëri, vetëm ajo e ftohës është më e përhapur se shfaqja e parazitëve në flokët e fëmijëve. Rrjedhimisht, kurdoherë që një fëmijë ka parazitë, ky fëmijë largohet nga shkolla deri sa të fillojë trajtimi kundër parazitëve.

Infektimi nga morrat mund të ndodhë për çdo njeri. Në fakt më të predispozuar janë ata që e kanë kokën të pastër dhe të larë, se sa ata që kanë zbokth. Morrat zakonisht nuk përhapin sëmundje, por një gjë e tillë mund të ndodhë nëse nuk merren masa parandaluese menjëherë pas konstatimit të shfaqjes së morrave dhe vezëve të tyre. Prindërit e kujdesshëm mund dhe duhet të ndihmojnë për eliminimin e këtij problemi në shkollat dhe komunitetin tone.

Përhapja e morrave përgjithësisht bëhet përmes transmetimit të drejtëpërdrejtë nga një person tek tjetri dhe përdorimit të përbashkët të objekteve të tilla si krehër, furça flokësh, shalleve dhe palltove.

Përmes këtij mesazhi, unë kërkoj bashkëpunimin tuaj dhe kërkoj të ndiqni instruksionet e mëposhtme:

Kontrolloni fëmijën tuaj për shfaqje të këtij infeksioni. Kruajtja e shpeshtë e kokës është shënja kryesore e këtij infektimi. Kontrolloni në dritë dhe me xham zmadhues gjithë pjesët e kokës. Kontrolloni për morrat, thërrijat dhe vezët e tyre në afërsi të rrënjëve të flokëve.

**MEGJTHESE ESHTE NJE PROBLEM JO I PELQYESHEM, INFEKTIMI NGA MORRAT NUK DUHET TE SHKAKTOJE ALARM TE PANEVOJSHEM ... VETEM VEPRIM TE MENJEHERSHEM.** Në shumicën e rasteve, ajo çka kërkohet është të lahet koka me një preparat të mirë kundër morrave, që gjendet në të gjitha farmacitë lokale pa recetë mjekësore, ose me recetë nga mjeku i familjes. Të gjithë pjestarët e familjes të fëmijës të infektuar me morra, duhet të kontrollohen për prezencën e morrave dhe vezëve të tyre. Të gjithë të infektuarit duhet të trajtohen.

Në vazhdim, përveç larjes së kokës me këtë preparat, të gjithë krehërat, furçat, rrobat, çarçafët dhe tapiceria duhet të desinfektohen. Infektimi përhapet zakonisht kur personat e infektuar nuk tregojnë për shkak dhe të një paragjykimi social për njerëzit që kanë këtë problem. Nëse pas zbulimit, që një person bart morra, bëhet e ditur dhe fillon trajtimi i menjëhershëm sipas procedurave, problemi mundet të eliminohet shpejt dhe me lehtësi.

Sinqerisht,

---

Drejtori

Për informacione dhe dokumenta të tjerë të përkthyer në Gjuhën Shqipe, ju lutemi vizitoni uebsajtin:  
[www.philasd.org/language/albanian](http://www.philasd.org/language/albanian)